



Cyfarfod Cymdeithas CCYSGAuCymru
Dydd Mawrth 23 Tachwedd 2021
10.45a.m. – 1.30p.m.

Yn bresennol

<p>Ynys Môn / Anglesey Dylan Rees (DR) Rheinallt Thomas (RT)</p> <p>Blaenau Gwent Kathy Riddick (KW) Chris Abbas (CA)</p> <p>Pen-y-bont ar Ogwr / Bridgend Alice Parry (AP) Edward Evans (EE)</p> <p>Caerffili/ Caerphilly John Taylor (JT)</p> <p>Caerdydd / Cardiff Mark Griffiths (MG) Andrew Jones (AJ)</p> <p>Sir Gaerfyrddin / Carmarthenshire</p> <p>Ceredigion Mary Davies (MD)</p>	<p>Conwy Phil Lord (PL) Jennie Downes (JD)</p> <p>Sir Ddinbych / Denbighshire Phil Lord (PL) Cllr Ellie Chard (EC) D Trhea (DT)</p> <p>Sir y Fflint / Flintshire Vicky Barlow (VB) Dave Mackie (DM) Catherine McCormack (CM)</p> <p>Gwynedd Paul Rowlinson (PR)</p> <p>Merthyr Tudful / Merthyr Tydfil Cllr Ernie Galsworthy (EG)</p> <p>Sir Fynwy / Monmouthshire Louise Brown (LB) Beryl Quinlan (BQ) Suzanne Gooding (SG)</p> <p>Castell-nedd Port Talbot / Neath and Port Talbot Rachel Samuel (RS)</p> <p>Casnewydd / Newport Neeta Baicher (NB) Huw Stephens (HS) Laura Lacey (LL) Laura Shepherd (LS)</p>	<p>Sir Benfro / Pembrokeshire Amanda Lawrence (AL)</p> <p>Powys John Mitson (JM) Jackie Parker (JP)</p> <p>Rhondda Cynon Taf Donna Graves (DG) Matthew Maidment (MM)</p> <p>Abertawe / Swansea Jennifer Harding-Richards (JHR)</p> <p>Torfaen Julian Doroszczuk (JD)</p> <p>Bro Morgannwg / Vale of Glamorgan Edward Williams (EW) Lucy Grant (LG)</p> <p>Wrecsam / Wrexham Libby Jones (LJ) Vaughan Salisbury (VS) Tania ap Siôn (TS)</p>	<p>PYCAG Paula Webber (PW)</p> <p>Sylwebyddion: REMW Paul Morgan (PM)</p> <p>CBAC</p> <p>ESTYN</p> <p>Llywodraeth Cymru</p> <p>REC</p> <p>Eglwys yng Nghymru</p> <p>Gwas. Addysg Gatholig Angela Keller (AK)</p> <p>Cymwysterau Cymru</p> <p>Rhyng-ffydd</p> <p>ADEW</p> <p>Prifysgol Cymru Rachel Bendall (RB)</p> <p>Cyflwynwyr Georgie Bevan (GB) Hayley Jones (HJ)</p> <p>Cofnodion (o recordiad) Jo Nicholls (JN)</p>
--	--	---	--

1. Cofnodion y cyfarfod

Croesawodd RS, yn Gymraeg a Saesneg, bawb i gyfarfod yr hydref. Eglurodd y bydd y cyfarfodydd yn parhau i fod ar-lein.

Croesawyd pawb hefyd gan Julian Doroszczuk, y Pennaeth Dysgu o Dorfaen, fel y CYSAG oedd yn lletya. Siaradodd JD ar ran Prif Swyddog Addysg Torfaen.

Diolchodd JD i bawb am roi o'u hamser heddiw. Soniodd am yr her fwyaf sy'n wynebu ysgolion ar hyn o bryd - absenoldeb staff. Roedd JD yn cydnabod ymroddiad a phroffesiynoldeb staff ysgolion, yr asiantaethau allanol a'r CYSAG lleol wrth baratoi a gweithredu'r cwricwlwm newydd ac yn arbennig, wrth baratoi'r datblygiad yn y symudiad tuag at Grefydd, Gwerthoedd a Moeseg (CGM) er gwaethaf heriau COVID 19.

Mynegodd JD ei ddiolch i PW am ei gwaith fel ymgynghorydd proffesiynol i GYSAG Torfaen a dywedodd ei fod yn gobeithio fod ei swydd newydd yn mynd yn dda.

Mae JD yn edrych ymlaen at dderbyn y canllawiau terfynol ac roedd yn annog pawb i fynychu cyfarfodydd cynllunio ac unrhyw hyfforddiant yn y dyfodol, er mwyn sicrhau y bydd CYSAGau, neu i roi iddynt eu henw newydd, Cyngorau Ymgynghorol Safonol i CGM, yn gallu gwneud penderfyniadau cytbwys am y polisiau lleol a chenedlaethol i gefnogi dysgwyr ledled Cymru.

2. Myfyrdod tawel

Dywedodd RS fod bron i dymor o addysg wyneb yn wyneb wedi digwydd erbyn hyn, am y tro cyntaf ers ymron i 2 flynedd. Arweiniodd RS yr aelodau drwy fyfyrdod ar werthfawrogi'r pethau cadarnhaol a gyflawnwyd a chynnal meddylfryd cadarnhaol drwy'r amser hynod brysur yma.

3. Ymddiheuriadau

Derbyniwyd ymddiheuriadau gan John Meredith (Blaenau Gwent) a Gwyneth Hughes (Ynys Môn)

4. Cofnodion y cyfarfod a gynhaliwyd ar 16 Mehefin 2021

Cytunwyd fod y cofnodion yn gofnod cywir o'r cyfarfod a gynhaliwyd ar 16 Mehefin 2021. Cynigiwyd eu derbyn gan RT ac eiliwyd gan VS.

5. Materion yn codi o gyfarfod diwethaf CCYSAGauC

Adroddodd RS y treuliodd y rhan fwyaf o'r cyfarfod diwethaf yn trafod dogfen ymgynghori Llywodraeth Cymru – Canllawiau CGM. Cadarnhaodd RS fod yr holl sylwadau o'r drafodaeth wedi'u casglu a'u cynnwys yn yr ymateb i Lywodraeth Cymru gan CCYSAGauC. Anfonwyd yr ymateb erbyn y dyddiad cau.

6. Cyflwyniad PYCAG

Cafwyd cyflwyniadau gan dri chynrychiolydd o'r pedwar consortiwm. Cadarnhaodd RS y bydd ERW yn cael cyfle i gyflwyno mewn cyfarfod yn y dyfodol.

I ddechrau, cyflwynodd Donna Graves (Ymgynghorydd AG) Strategaeth Ddyniaethau Consortiwm Canolbarth y De (CCD).

Ymddiheurodd DG ar ran Nicky Hagendyk, Arweinydd Strategol y Dyniaethau. Bu DG ac NH yn rhan o ddatblygu'r cyflwyniad hwn.

Cyflwynodd DG ei hun. Mae hi wedi'i secondio i Gonsortiwm Canolbarth y De ar gytundeb rhan amser 12 mis, fel yr ymgynghorydd cysylltiol i AG/CGM a CYSAG i'r 5 rhanbarth.

Mae CCD yn cefnogi datblygiad y dyniaethau, yn arbennig, CGM ac AG, gyda'r sylw presennol ar y trawsnewid o'r cwricwlwm presennol i'r cwricwlwm newydd.

Gyda symud i'r cwricwlwm newydd, mae CCD wedi ehangu'r tîm er mwyn cynyddu capasiti i gefnogi ysgolion i ymateb i'r galwadau a'r anghenion. Yn ogystal â NH a DG mae nifer cynyddol o ymarferwyr arweiniol. Gall CCD gynnig mwy o ddysgu proffesiynol a chymorth i ysgolion ar y Meysydd Dysgu a Phrofiad, ac yn enwedig mewn CGM.

Mae CCD yn rhoi mwy o sylw i'r cynradd yn ogystal â'r uwchradd ac yn ddiweddar sefydlodd rwydwaith dyniaethau cynradd i gefnogi ysgolion cynradd. Mae'r gefnogaeth wedi'i theilwra i ddylunio'r cwricwlwm drwy raglen ddysgu broffesiynol CCD, cyfarfodydd rhwydwaith Meysydd Dysgu a Phrofiad (MDaPh) a thrwy gefnogaeth arbennig CCD i ysgolion.

Mae gan CCD Fodel Her Canol De Cymru sy'n annog ysgolion i rwydweithio, cydweithredu a bod yn gyd-bartner i CCD fel yr hwylusydd, y brocer a'r rhoddwr cymorth. Ar y model hwn mae gwaith CCD i gyd wedi'i seilio.

Aeth DG drwy'r cyflwyniad a oedd yn cynnwys:

- Strategaeth Ddyniaethau CCD
- Y siwrne i 2022 – Model Meddwl Dylunio
- Cefnogaeth ar y Cwricwlwm i Gymru yn CCD
- Dysgu Proffesiynol Addysg Grefyddol
- Enghreifftiau o dudalennau gwe

Anfonir y cyflwyniad llawn gyda'r cofnodion. Un o'r agweddau o'r dysgu proffesiynol y soniwyd amdano oedd datblygu rhestrau chwarae o adnoddau CGM ar-lein. Bydd yr adnoddau hyn yn cynnwys adroddiadau, blogiau, geirfa a'r dolenni perthnasol i adnoddau. Mae'r rhestr chwarae gyntaf yn canolbwyntio ar fydolygon ac argyhoeddiadau athronyddol anghrefyddol ac mae'n cynnwys podlediad gan Ddyneiddwyr Cymru.

Gweithredu: AP i anfon y cyflwyniad llawn gyda chofnodion y cyfarfod hwn.

PW: Diolchodd i CCD am y gwaith ardderchog a wnaethant mewn amser mor fyr.

RS: Roedd hi'n cydnabod y cynnydd a wnaed gan CCD.

LB: Mynegodd LB ei phryder am gyfeiriad y rhestrau chwarae gan mai dim ond un argyhoeddiad athronyddol anghrefyddol yw dyneiddiaeth. Ble mae CGM yn eistedd o fewn y rhestrau chwarae hyn? Mae angen i'r prif grefyddau gael eu cynrychioli ynddynt.

DG: Eglurodd fod cyfeiriad y rhestrau chwarae yn cael ei ddatblygu gan y cwestiynau a gafwyd gan ymarferwyr. Wrth i athrawon AG glywed y termau 'Bydolygon' a'r cysyniad newydd o 'argyhoeddiadau athronyddol anghrefyddol', penderfynwyd y byddai'r rhestr chwarae gyntaf yn canolbwyntio ar yr agwedd hon. Cytunodd DG mai dim ond un llinyn yw Dyneiddiaeth a bod CCD yn croesawu argymhellion gan gonsortia eraill a ChYSAGau am gyfraniadau gan fydolygon eraill. Bydd rhestrau chwarae pellach yn cynnwys y prif grefyddau a bydolygon eraill.

RS: Dywedodd mai proses o ddatblygu yw hon, a bod y gwaith cychwynnol yn dod yn sgil y wybodaeth sydd ei hangen gan yr ymarferwyr. Wedi i'r datblygiad gael ei gwblhau, bydd bydolygon eraill yn cael eu cynnwys er mwyn creu'r cydbwysedd sy'n ofynnol yn gyfreithiol i ddarparu'r cwricwlwm gorau i athrawon a myfyrwyr.

KR: Yn argymhell penodi dyneiddiwr ar GYSAGau. Bydd hyn yn help i lunio'r maes llafur ar gyfer argyhoeddiadau athronyddol anghrefyddol.

HS: Fel aelod o GYSAG Casnewydd, mae'n rhaid cytuno ar faes llafur cytunedig lleol. Os yw pob ysgol yn llunio'i chwricwlwm ei hun, sut gellir safoni hyn? Bydd TGAU a Safon Uwch yn cael eu cynnig. Mae'n rhaid i beth bynnag a ddysgir yng Nghyfnod Allweddol 3 lifo i mewn i hynny ac nid ydym yn gwybod beth yw'r cynnyrch terfynol rydym yn gweithio tuag ato.

PW: Gan ei fod yn newydd i ysgolion, mae bydolygon yn gysyniad pwysig yn y datganiadau *Yr Hyn sy'n Bwysig* sydd angen sylw. Mae CCD yn datblygu cefnogaeth yn y maes hwn. I ateb pwynt HS, mae'r cymwysterau'n seiliedig ar y datganiadau hyn. Rydym yn gwybod felly sut maen nhw'n edrych. Mae'r cysyniadau allweddol wrth ddylunio'r cymhwyster eisoes wedi'u cofnodi. Mae'n bwysig bod ysgolion yn dilyn model CCD ar sut i ddylunio cwricwlwm yng Nghymru, gan ei fod yn darparu proses sy'n helpu safoni cwricwlwm yr ysgolion. Felly yr hyn sydd angen ei ystyried yw'r datganiadau *Yr Hyn sy'n Bwysig*.

RS: Mae'n bwysig ein bod yn meddwl am addysg mewn ffordd wahanol erbyn hyn. Mae'r sylw wedi symud o'r myfyrwyr yn datblygu sgiliau a galluoedd, at fyfyrwyr yn meddu ar yr offerynnau i allu darganfod gwybodaeth. Fel yn ôl cyflwyniad CCD, mae angen i ysgolion edrych ar y darlun mwy cyn tyrchu i'r addysgu.

Cyflwynodd RS y cyflwyniad nesaf gan EAS a oedd yn dangos sut maen nhw'n dechrau uwchsgilio eu hathrawon a pharatoi ar gyfer y cwricwlwm newydd.

Cyflwynwyd Georgia Bevan, yr Arweinydd ar STEM a'r pynciau cwricwlwm ehangach, ar draws 4 o'r MDaPh, a Hayley Jones, y partner AG newydd.

Aeth GB drwy raglen Ranbarthol EAS a'r siwrne o 2022 ymlaen.

Sleidiau'r Rhaglen Ranbarthol:

- Wedi datblygu rhaglenni Traws-ranbarthol i Benaethiaid ac Uwch Arweinwyr
- Wedi datblygu rhaglenni Traws-ranbarthol i Arweinwyr Canol
- Wedi creu grŵp dylunio'r cwricwlwm uwchradd
- Themâu Trawsbynciol

- Dull cydweithredol o ddylunio'r cwricwlwm
- Wedi creu grŵp datblygu'r Cwricwlwm i Gymru

Sleid i'r Siwrne o 2022 ymlaen:

- Rhaglen Ddysgu Broffesiynol i Benaethiaid ac Uwch Arweinwyr
- Rhaglen Ddysgu Broffesiynol i Arweinwyr Canol ac Athrawon
- Grŵp Datblygu'r Cwricwlwm i Gymru
- Grŵp Dylunio'r Cwricwlwm Uwchradd
- Grŵp Dylunio a Datblygu MDaPh (traws ranbarthol)
- Grŵp Cynnydd a Datblygiad y Cwricwlwm i Gymru
- Cyfarfodydd MDaPh a Rhwydwaith Sgiliau EAS

Cyflwynodd HJ y camau nesaf i CGM yn EAS.

Bydd y cyflwyniad llawn ar gael gyda'r cofnodion.

Gweithredu: GB/ HJ i ebsotio'r cyflwyniad i AP ei anfon i'r grŵp.

Diolchodd RS i HJ a GB am eu cyflwyniadau a'r gwaith sylweddol a wnaed yn eu siwrne o ddeall y cwricwlwm.

PW: Mae'n amlwg fod y ddau gyflwyniad yn dangos dull gweithredu o'r top i lawr i ddylunio'r cwricwlwm, gan ddechrau gyda'r Penaethiaid. Sut gall y consortia gryfhau ymgysylltiad â ChYSAGau? A oes mwy o gyfleoedd i gynnwys aelodau CYSAG a rhanddeiliaid eraill yn eich cyfarfodydd rhwydwaith?

GB: Dywedodd eu bod yn rhannu gyda'r CYSAGau, ac mae'r adnoddau i gyd ar gael ar alw. Mae HJ yn gweithio ar gynyddu aelodaeth CYSAG. Rydym yn codi'n proffil gyda'r Awdurdodau Lleol (ALI) ac yn ddiweddar cyflwynodd HJ mewn digwyddiad i Benaethiaid.

HJ: Mae gwaith y CYSAG yn hanfodol ac mae ganddynt lawer i'w gynnig. Wedi trefnu bore coffi gydag un o'i GYSAGau.

LB: Yn falch o weld yr agwedd hyblyg yn y cyflwyniad ac yn cefnogi cael gwybod am gyfarfodydd rhwydwaith.

VS: Mae'n bwynt pwysig, fod aelodau CYSAG yn cael eu gwahodd i'r cyfarfodydd rhwydwaith hyn ond gan fod CYSAGau yn datblygu meysydd llafur cytunedig, a oes pobl o'r tu allan yn cael eu gwahodd i gyfarfodydd CYSAG?

HJ: Cytuno ei bod yn bwysig fod y drafodaeth yn mynd y ddwy ffordd.

GB: Mae EAS wedi gwahodd gwesteion i'r cyfarfodydd ac yn rhagweld CYSAGau yn cyflwyno i'r grwpiau rhwydwaith.

RS: Gyda'r Cynadleddau Maes Llafur Cytunedig, mae'n bwysig fod y partiön perthnasol i gyd yn cael eu cynnwys yn y drafodaeth fel rhan o ffurfio cwricwlwm pob CYSAG / ALI.

Rhodddwyd y trydydd cyflwyniad a'r un olaf gan Phil Lord, Consortiwm GwE.

Cyflwynodd PL ei hun fel ymgynghorydd AG annibynnol i GYSAGau Conwy a Sir Ddinbych sy'n gweithio gyda GwE mewn rôl heb fod yn ymgynghorydd AG. Eglurodd PL fod y CYSAG yn eistedd ar wahân i GwE.

Dangosodd cyflwyniad PL y gefnogaeth y mae GwE wedi'i rhoi i'r Cwricwlwm i Gymru yn ei gyfarwydd, ers dechrau 2021.

Mae GwE yn edrych ar y cwricwlwm ar lefel uchel ac yn annog arweinwyr i feddwl am sut i'w weithredu yn eu hysgolion. Mae GwE wedi creu adnoddau sydd ar gael i ysgolion.

Strwythur GwE i helpu ysgolion yw model hwyluso sy'n caniatáu dull o gydweithio â GwE ac sy'n caniatáu i ysgolion 'ddadbacio' dogfennau'r Cwricwlwm i Gymru.

Ar hyn o bryd mae'r rhanbarth yn gweithio ar ddatblygu dealltwriaeth glir o ddatganiadau yr hyn sy'n bwysig a'r cynnydd mewn camau.

Mae 8 o grwpiau ar y lefel ranbarthol ac 8 ar lefel awdurdod lleol. Mae pob un o'r 8 grŵp yn cynnwys 6 grŵp Maes Dysgu a Phrofiad, grŵp dylunio'r cwricwlwm a grŵp asesu. Mae pob grŵp yn cyfarfod bob hanner tymor. Mae 580 o athrawon ar y rhwydwaith, gyda GwE yn cefnogi drwy gadeirio'r cyfarfodydd. Bydd adnoddau'n cael eu creu fel deilliant o'r trafodaethau yn y cyfarfodydd.

Mae'r CYSAGau unigol yn cefnogi eu hathrawon eu hunain. Nid yw GwE'n rheoli'r CYSAGau nac yn darparu hyfforddiant CGM.

Diolchodd RS i PL am ei gyflwyniad a thynnodd sylw at y neges gyffredin, sef bod angen dealltwriaeth fras o'r cwricwlwm fel cam cyntaf.

LB: Sut ydych chi'n sicrhau fod agwedd ffydd CGM yn cael ei chynnwys? A oes llawer o ysgolion ffydd yn rhan o'ch proses?

PL: Nid oes gan GwE gyfrifoldeb dros hyfforddiant ysgolion ffydd ond cadarnhaodd fod ysgolion ffydd yn rhan o'r rhwydweithiau.

KR: Bydd angen i CCYSAGauC ystyried sut i gefnogi'r CYSAGau, os yw rhieni'n tynnu eu plant yn ôl i CGM enwadol o fewn yr ysgolion ffydd hynny. Mae angen sicrhau fod ysgolion ffydd yn cael eu hystyried wrth ddatblygu'r maes llafur cytunedig.

PR: Pam nad yw GwE, yn wahanol i'r consortia eraill, yn cefnogi CYSAGau ac o ble mae'r CYSAGau lleol yn cael eu cefnogaeth?

PL: Mae hyn oherwydd cynllun hanesyddol y consortiwm. Bu GwE mewn bodolaeth es yr 8 mlynedd ddiwethaf. Yr unig gefnogaeth pwnc y mae GwE yn ei chynnig yw ar gyfer Mathemateg, Cymraeg, Saesneg, Gwyddoniaeth a Thechnoleg. Gan yr ALL y mae'r cyfrifoldeb dros CGM. Caiff y CYSAGau eu cefnogi gan yr ALL.

Yn y De, roedd cysylltiad hanesyddol gyda'r gwasanaethau cwricwlwm a'r consortia, ac mae hyn wedi parhau ac yn edrych yn wahanol dros yr 8 mlynedd diwethaf, o'i gymharu â GwE.

LB: Pwysleisiodd y gall ysgolion ffydd barhau i ddysgu eu cwricwlwm ffydd enwadol.

PW: Ai dyma'r amser i GwE gysylltu â'r CYSGAu i wahodd y CYSAGu i'r cyfarfod rhwydwaith?

RS: Nodwyd y dylai hyn fod yn rhywbeth i GwE ei ystyried yn y dyfodol.

DR: Am nifer o flynyddoedd roedd GwE yn cefnogi CYSAGau yng Ngogledd Cymru drwy gymorth amhrisiadwy Bethan James. Tynnodd GwE y gefnogaeth hon heb ymgynghori.

LJ: Cadarnhaodd fod cyswllt yn Wrecsam rhwng rhwydwaith lleol GwE i'r dyniaethau ac aelodau CYSAG.

VB: Mae hi'n cefnogi CYSAG Sir y Fflint. Yn Uwch Reolwr Gwella Ysgolion ac wedi bod yn ymgynghorydd AG. Maent yn gweithio'n agos gyda chydweithwyr yn GwE ac mae cynrychiolaeth dda o ysgolion Sir y Fflint ar eu rhwydweithiau. Gobeithio bod CYSAG yn teimlo bod cefnogaeth.

PL: Egluro ei fod yn cyflwyno ar ran GwE. Yn cyflwyno strwythur GwE ar gyfer cefnogi'r Cwricwlwm i Gymru ac yna mae CYSAGau sy'n cefnogi AG yn benodol.

MM: Mae Hodder Education yn cyhoeddi adnoddau i'r cwricwlwm newydd. A oedd unrhyw un wedi clywed am gynlluniau ar gyfer CGM?

RS: Heb glywed am unrhyw beth ac yn pryderu am gyhoeddwy'r yn creu adnoddau penodol gan fod hynny'n groes i ethos y cwricwlwm newydd.

PW: Wedi clywed eu bod yn bwriadu darparu adnoddau i CGM. Mae'n bwysig dilyn y broses ac yn pryderu nad ydym yn barod eto i fod yn datblygu adnoddau.

RB: Aeth Hodder Education at y Brifysgol gydag adnoddau AG enghreifftiol, ond fe wrthodwyd bod yn rhan ohono gan nad oeddent yn berthnasol i'r Cwricwlwm i Gymru.

RT: Daeth Hodder ato ef hefyd. Dywedodd ei bod yn rhy gynnar yn y broses, a bod angen aros nes bod y fframwaith wedi'i gyhoeddi.

HS: Cafodd Pennaeth AG mewn ysgol beilot gais i adolygu adnoddau Hotter ac mae'n amheus gan eu bod wedi cael eu hysgrifennu gan arbenigwyr AG yn Lloegr.

RS: Mae'n bwysig cyfleu'r neges hon i ysgolion, sef na fydd adnoddau Hodder yn addas i'r Cwricwlwm i Gymru, a'i bod yn rhy gynnar i ddatblygu adnoddau.

AK: Mae'r Gwasanaeth Addysg Gatholig yn mynd i gynnig cymorth ar-lein drwy sesiynau briffio ar-lein i aelodau Catholig y CYSAGau. Bydd y cymorth yn cynnwys disgrifio'r dulliau gweithredu a ddilynrir mewn ysgolion Eglwys a sut byddant yn talu sylw i'r canllawiau CGM. Gobeithio y bydd hyn o gymorth i aelodau CYSAG.

CA: Yn pryderu nad yw ei GYSAG wedi cyfarfod ers 18 mis, a'i fod yn teimlo nad oedd yn gwybod beth oedd yn digwydd. Pwy sy'n cefnogi'r CYSAG hwn?

RS: Mae CA wedi codi pwynt pwysig. Mae CYSAG angen cefnogaeth Ymgynghorydd i fod yn effeithiol / iach. Mae CYSAG iach angen cefnogaeth CCYSAGauC iach. Dylai ymgynghorwyr gael eu penodi'n iawn i GYSAG a dylent gael yr amser a'r adnoddau i wneud eu gwaith yn iawn. Mae hi'n teimlo ei bod yn fater o'r ALI yn gwerthfawrogi rôl CYSAGau. Mae angen i ALLau fuddsoddi arian ac amser fel y gall CYSAGau gael cymorth yr ALI a bod yn rhagweithiol yn cefnogi eu hysgolion.

PW: Yn argymhell fod CCYSAGauC yn rhoi cefnogaeth i'r CYSAGau sy'n ei chael hi'n anodd ac yn awgrymu fod CCYSAGauC yn cyfarfod â nhw.

GWEITHREDU: AP: Ychwanegu eitem agenda i gyfarfod Pwyllgor Gwaith CCYSAGauC yn Ionawr 2022 'Sut i helpu'r CYSGAu sy'n ei chael hi'n anodd?'

7. Materion Llywodraeth Cymru

Diweddariad canllawiau CGM

LJ: Mae canllawiau drafft CGM yn disgwyl cael eu gorffen. Cafwyd cadarnhad gan Lywodraeth Cymru y bydd copi dan embargo o'r canllawiau ar gael i GYSAGau cyn Nadolig, ond ni roddwyd dyddiad penodol. O ran dyddiad cyhoeddi, mis Rhagfyr yw'r sôn o hyd. Bydd Libby'n cyfarfod â Llywodraeth Cymru dydd Mercher a dydd Iau.

JD: A oes raid i'r canllawiau fynd gerbron y Senedd?

LJ: Nid oedd yn siŵr am hyn ond gall holi ac adrodd yn ôl i RS.

LB: A fyddant yn sicrhau fod y copi dan embargo i'r Canllawiau yn mynd i glercod CYSAG yn hytrach na'r Cyfarwyddwr Addysg?

LJ: Bydd hi'n gofyn am i'r copi gael ei anfon i Gyfarwyddwyr Addysg ac i Glercod CYSAG. Cadarnhaodd LJ nad copi i ymgynghori arno yw'r un dan embargo ond gellir ei ddefnyddio i baratoi cynadleddau maes llafur cytunedig.

Gweithredu: LJ i ganfod a yw'r Canllawiau CGM angen mynd gerbron y Senedd.

Dysgu Proffesiynol

Adroddodd RS fod Llywodraeth Cymru wedi gofyn i CCYSAGauC ddatblygu ystod o adnoddau i helpu gyda dysgu proffesiynol sy'n gysylltiedig â'r canllawiau CGM newydd.

Cyfarfu grŵp o'r Pwyllgor Gwaith â Tania Wigfell a Lisa Clark o Lywodraeth Cymru ar 14 Hydref 2021 i drafod costau'r prosiect a'r disgwyliadau. Yn dilyn y cyfarfod hwn, cyfarfu grŵp o'r Pwyllgor Gwaith ar 3 Tachwedd 2021 i drafod canlyniadau'r cyfarfod ac i ddrafftio rhaglen waith a fyddai wedyn yn cael ei rhannu gyda Llywodraeth Cymru.

Cysylltwyd â Chymdeithas Cyfarwyddwyr Addysg Cymru (ADEW) ynghylch penodi 10 arbenigwr i greu'r adnoddau. Dylai'r gweithgor gynnwys ystod eang o unigolion megis athrawon cynradd ac uwchradd, ymarferwyr, ac arbenigwyr sydd â brwdfrydedd a gwybodaeth am AG. Anfonwyd hysbyseb dwyieithog, gan y Gymdeithas, i'r Cyfarwyddwyr Addysg a'r Consortia, i'w anfon ymlaen i'w hysgolion. Cadarnhaodd LJ fod Llywodraeth Cymru wedi rhannu'r hysbyseb drwy Dysg yn eu diweddariad misol. Y dyddiad cau i dderbyn ceisiadau yw 3 Rhagfyr 2021. Roedd RS yn falch o adrodd fod tri mynegiant o ddiddordeb eisoes wedi dod i law gan y sector cynradd ac uwchradd. Ar ôl y dyddiad cau, bydd y Pwyllgor Gwaith yn cyfarfod i benderfynu a fodlonwyd y gofynion i

gael cynrychiolaeth eang o unigolion neu a oes angen estyn allan eto i gael mwy o ddiddordeb.

Bwriedir i'r tîm fod yn ei le erbyn diwedd Rhagfyr 2021 i ddechrau ym mis Ionawr 2022. Wedi hynny, bydd adnoddau'n dechrau cael eu datblygu i ysgolion ar sut i weithio gyda'r canllawiau CGM a'r cynllunio ar gyfer y cwricwlwm newydd. Bydd hyn yn cael ei ledaenu i ysgolion drwy rwydweithiau Hwb.

Roedd RS yn annog pob CYSAG i rannu'r wybodaeth hon gydag ysgolion a sicrhau fod y Cyfarwyddwyr Addysg yn gwybod am yr hysbyseb ac yn sicrhau ei bod yn cael ei hanfon i'r ysgolion.

DG: Gofynnodd am gael copi gan nad oedd hi'n ymwybodol o'r hysbyseb hwn.

Gweithredu: Yn dilyn y cyfarfod, LJ i anfon yr hysbyseb i a) clercod CYSAG iddynt ei hanfon ymlaen i'r ysgolion a b) i DG

Gweithredu: Holl aelodau CCYSAGauC i hyrwyddo'r hysbyseb yn eang i wneud yn siŵr ei bod yn cyrraedd cynrychiolaeth eang o unigolion.

Mae'r broses hon yn mynd rhagddi a rhoddir adborth yng nghyfarfod nesaf CCYSAGauC.

8.Cynhadledd y Maes Llafur Cytunedig 2022

Dyweddodd RS mai dyma ddechrau'n trafodaethau ar y pwnc ac y bydd yn cael ei drafod ymhellach yng nghyfarfod mis Mawrth. Yna trosglwyddodd i LJ.

Dyweddodd LJ fod angen i GYSAGau fod yn cynllunio ar gyfer eu Cynadleddau Maes Llafur Cytunedig (MLIC). Mae angen i'r meysydd llafur cytunedig gael eu mabwysiadu gan bob ALL erbyn adeg gweithredu'r cwricwlwm newydd yng Nghymru ym Medi 2022.

Mae LJ yn argymhell fod y cyfarfod cyntaf yn cael ei gynllunio cyn gynted ag y bo modd, yn enwedig gan fod rhai ymgynghorwyr yn newydd. Er enghraifft, mae CYSAG Wrecsam wedi pennu dyddiad 13 Ionawr, 2022, i gael cyfarfod cychwynnol, gyda chyfarfod terfynol ar ddiwedd Ebrill 2022.

Mae hi'n argymhell fod pob ymgynghorydd a ChYSAG yn cael cyngor cyfreithiol gan eu Hawdurdod Lleol eu hunain, ar gyfansoddiad y Gynhadledd a sut dylid ei rhedeg. Cyfrifoldeb yr ALL yw'r maes llafur cytunedig a'r gynhadledd sy'n ei ategu. Ar hyn o bryd ychydig o ganllawiau sydd ynghylch sut y dylid trefnu'r cynadleddau yma.

Rhaid i baratoi'r MLIC dalu sylw at Fframwaith y Cwricwlwm i Gymru a'r canllawiau CGM. Nid oes angen manylion cyfarwyddol, ac ni ofynnir ac ni chaniateir am hyn yn Fframwaith y Cwricwlwm i Gymru.

Y weledigaeth yw bod y canllawiau CGM yn sail i'ch maes llafur cytunedig. Mae hi'n gobeithio y bydd y Cynadleddau'n argymhell y Canllawiau CGM fel y maent. Os yw CYSAG yn dymuno

cynnwys manylion ychwanegol, dylai gael ei gynnwys fel atodiad er arweiniad yn unig, fel cefnogaeth ychwanegol ar lefel leol. Mae angen cymryd gofal i beidio â chynnwys gormod o elfennau cyfarwyddol (*prescriptive*).

Wrth alw cynhadledd maes llafur cytunedig, mae angen i awdurdodau lleol feddwl am aelodaeth y Gynhadledd. Mae'n bwysig cael aelodau o argyhoeddiadau athronyddol anghrefyddol yn ogystal â'r rheiny sy'n cynrychioli grwpiau crefyddol.

PW: Ategodd yr angen i gael cyfansoddiad cywir i GYSAG. Mae angen bod yn amrywiol er mwyn gwneud yn siŵr na cheir heriau cyfreithiol. Gall PYCAG drefnu cyfarfodydd i Ymgynghorwyr i'w cefnogi drwy'r broses.

RS: Diolchodd i PW am y cynnig gan PYCAG i helpu ymgynghorwyr.

KR: Gwnaeth y pwynt fod argyhoeddiad athronyddol anghrefyddol yn gred gref sy'n cyfateb i grefydd. Mae'n bwysig meddwl am hyn wrth sefydlu'r Gynhadledd a'r cyfarfodydd CYSAG.

HS: Argymhellodd anfon llythyr i atgoffa CYSAG am eu dyletswyddau statudol o safbwynt y MLIC a'r terfynau amser.

EE: Mynegodd ei bryder nad oedd CYSAG Blaenau Gwent wedi cwrdd ers 18 mis. Yn y llythyr gan CCYSAGauC sy'n cael ei anfon i GYSAGau, awgrymodd gynnwys brawddeg i atgoffa awdurdodau lleol am eu dyletswydd statudol i alw cyfarfodydd CYSAG.

Gweithredu: Llythyr i'w anfon cyn gynted â phosibl gan Bwyllgor Gwaith CCYSAGauC i'r Cyfarwyddwyr Addysg a Chlercod CYSAG par: Cynhadledd y Maes Llafur Cytunedig a phwysigrwydd gosod dyddiadau a'u dyletswyddau statudol

LB: A oes gan GYSAGau ryddid o ran faint o ganllawiau ychwanegol i'w cynnwys yn atodiad y maes llafur cytunedig?

RS: Oes, mae rhyddid, ond dylid gochel rhag bod yn rhy gyfarwyddol.

LJ: Bydd y datganiadau Yr Hyn sy'n Bwysig yr un peth yn union ym mhob ysgol, mae gennym hefyd ganllawiau CGM a fydd yr un peth i bob ysgol. Gyda'r holl waith a chefnogaeth leol, byd ysgolion yn cael eu harwain at y penderfyniad cywir ond yn y pen draw gall ysgolion wneud eu penderfyniadau eu hunain.

PW: Ein hatgoffa fod pob CYSAG lleol wedi cael y cyfle i adrodd yn ôl ar lefel leol drwy'r broses gydwethredol, felly mae gennym berchnogaeth dros y maes llafur cytunedig.

PR: Gan feddwl am y cyfarfodydd MLIC ar ddiwedd Ebrill 2021, mae etholiadau llywodraeth leol ym mis Mai 2022. A oes cyfnod o *purdah* cyn yr etholiadau lle nad oes hawl gyfreithiol gan GYSAGau i wneud penderfyniad?

PW: Bydd, fe fydd cyfnod felly. Bydd angen i'r cyfarfodydd i gadarnhau'r maes llafur cytunedig ddigwydd cyn y dyddiad hwn.

RT: Fel arfer mis cyn yr etholiadau.

VB: Eisiau sicrhau'r cydweithwyr, ein bod mewn lle cryf a bod gennym rwydwaith cydweithredol cryf i CGM. Ategu'r pwynt ein bod wedi bod yn rhan o'r broses ymgynghori, yn fwy nag unrhyw bwnc arall. Mae hyn yn gadarnhaol iawn, ac mae angen i ni sylweddoli hyn. Mae hi'n barod i gynnig ei chefnogaeth.

8.Cymwysterau Cymru

Adroddodd RS y bydd aelodau Pwyllgor Gwaith CCYSAGauC yn cwrdd â Chymwysterau Cymru ar ddiwedd Tachwedd/dechrau Rhagfyr 2021. Rhoddir adborth o'r cyfarfod hwn yng nghyfarfod mis Mawrth. Mae Cymwysterau Cymru yn ystyried y TGAU newydd. Mae'r gweithgor yn cynnwys aelodau o Bwyllgor Gwaith CCYSAGauC ac aelodau CCYSAGAuC sy'n athrawon.

9.Adroddiad o'r Pwyllgor Gwaith a gynhaliwyd ar 5 Hydref 2021

Adroddodd RS fod y rhan fwyaf o drafodaethau cyfarfod y Pwyllgor Gwaith wedi codi eu pen yn y cyfarfod heddiw.

Bydd cyfarfod gyda Llywodraeth Cymru yn cael ei drefnu wedi iddyn nhw dderbyn y dyddiadau a awgrymwyd. Mae pawb wedi cael diweddariad am gynnydd y canllawiau GCM.

Fel rhan o'r drafodaeth am ddysgu proffesiynol, soniodd John Meredith o'r Eglwys yng Nghymru eu bod yn trefnu cynhadledd hybrid, wyneb yn wyneb yn y Fenni ac ar-lein. Y dyddiad ar hyn o bryd yw 13 Mehefin 2022. Y thema yw Newid Hinsawdd ac mae'n cysylltu â'r Cwricwlwm CGM. Mae CCYSAGauC wedi derbyn cynnig i gael stondin yno, am ddim.

Mae CCYSAGauC yn ystyried cynnal cynhadledd rithwir. Y bwriad yw ei threfnu tua'r adeg y bydd y pecyn dysgu proffesiynol, y maent yn ei ddatblygu gyda Llywodraeth Cymru, yn dod yn fyw tua mis Ebrill / Mai 2022.

Cafwyd trafodaethau am gyfansoddiad CCYSAGauC, yn edrych ar ei pherthnasedd a sut mae cyfarfodydd yn cael eu cynnal. Bydd mwy o wybodaeth i ddilyn yn y cyfarfod nesaf.

Codwyd pryderon am yr arholiadau yn yr haf, yn enwedig y rhai TGAU, pryd y disgwylir i fyfyrwyr sefyll dau bapur arholiad 95 munud. Roedd nifer yn poeni am y pwysau ar fyfyrwyr. Mae llythyr yn cael ei baratoi i'w anfon i Lywodraeth Cymru yn mynegi pryder CCSYGauC am les y myfyrwyr.

Mae CCYSAGauC yn datblygu datganiad i fynd gydag unrhyw adnoddau a rennir. Bydd hwn yn egluro nad yw'r adnoddau hyn yn cael eu cymeradwyo gan CCYSAGau o reidrwydd ond eu bod yn cael eu darparu fel gwybodaeth ddefnyddiol.

Mae CCYSAGauC yn ystyried newid ei enw wrth i GYSAGau fynd yn Gyngorau Ymgynghorol Safonol. Beth am CCYSAGauC? Bydd angen meddwl am hyn fel grŵp.

10. Diweddariadau:

REC - Bu TapS yng nghyfarfod diweddaraf REC ar ran CCYSAGauC. Adroddodd fod rhan helaeth o'r cyfarfod wedi'i roi i brosiect Crefydd a Bydolygon y REC. Mae hwn yn ddatblygiad pwysig i AG yn Lloegr i gefnogi a ffurfio meysydd llafur cytûn mewn AG.

Er y bydd Cymru â rhywfaint o ran yn hyn, ni fydd y gwaith yn disodli dogfen ganllaw CGM a gynhyrchir gan Lywodraeth Cymru, yr ymgynghorir arni. Bydd CCYSAGauC yn parhau i adnabod unrhyw feysydd a all fod o ddefnydd i GYSAGau Cymru.

Mae'r cyfnod cyntaf yn dod i ben gyda'r adnoddau sy'n archwilio'r cysyniad o fydolygon bellach wedi'u cynhyrchu a'u cyhoeddi ar-lein. Mae'r ail gyfnod yn dechrau a'i nod yw adeiladau ar gynnyrch cyfnod 1 a rhoi'r weledigaeth ar waith. Y nod yw cwblhau'r prosiect cyfan erbyn Cyfarfod Blynyddol y REC yn 2024.

Mae tair carreg filltir bwysig rhwng nawr a 2024: a) Cynhyrchu llawlyfr i gynnwys diffiniadau a fydd yn amlinellu sut beth yw bydolygon mewn ymarfer b) Creu tri fframwaith ar gyfer bydolygon mewn AG drwy gynhyrchu astudiaethau achos a c) creu unedau gwaith a fydd yn adlewyrchu'r tri fframwaith.

Mae dogfennau'r REC ar gael ar eu gwefan. Cafwyd cyflwyniad diddorol am y canlyniadau o arolwg Ymddiriedolaeth Culham St Gabriels ar ganfyddiad y cyhoedd am addysg mewn bydolygon a chrefyddau. Holwyd 2000 o oedolion yn y DU. Gellir gweld y canlyniadau ar wefan Culham St Gabriels sy'n eithaf perthnasol i Gymru yn ogystal â Lloegr.

LB: Mae'r gwaith hwn am grefydd a bydolygon yn Lloegr.

AREIAC

Neb yn bresennol i roi diweddariad

EFTRE

Neb yn bresennol i roi diweddariad

MAGC

PM: Ni roddwyd diweddariad er mwyn cadw'r cyfarfod ar amser.

RS: PR i anfon adroddiad ysgrifenedig i RS os yn briodol.

Rhwydwaith Rhyng-ffydd

LJ: Mae David Hampshire wedi symud i swydd newydd sy'n golygu nad oes cynrychiolydd o'r Rhwydwaith yn mynychu cyfarfodydd CCYSAGauC. Roedd LJ yn dymuno'n dda iddo yn ei swydd newydd a bydd hi'n gweld os gellir cael cynrychiolaeth

o'r rhwydwaith yn y dyfodol. Cynhaliwyd yr wythnos ryng-ffydd ar y 14 - 21 Tachwedd 2021. Ceir enghreifftiau o'r gwaith ardderchog a wnaed yn ystod yr wythnos hon ar wefan y Rhwydwaith Rhyng-ffydd.

PYCAG

Cadarnhaodd PW ei bod hi wedi cymryd drosodd fel Cadeirydd a bod PL wedi'i benodi'n Ddirprwy Gadeirydd. Adroddodd PW fod trafodaethau PYCAG yn debyg i'r rhai gafwyd heddiw. Dywedodd PW ei bod yn braf croesawu cydweithwyr newydd. Trafodwyd gweledigaeth, nodau a chyfansoddiad PYCAG a'r system addysg. Atgoffodd PW y grŵp mai panel ar gyfer arbenigwyr addysg yw PYCAG. Roedd PW yn gobeithio, fel Cadeirydd, cryfhau'r berthynas ymhellach rhwng PYCAG a CCYSAGauC.

Trafodwyd Cynadleddau'r Maes Llafur Cytunedig yn fanwl hefyd.

11. Gohebiaeth

RS: Darllenodd e-bost gan Gill Vaisey oedd yn hysbysu'r aelodau ei bod hi'n rhoi'r gorau i'w swyddi gyda CCYSAGauC. Diolchodd GV i'r grŵp am eu cyfeillgarwch a'u cefnogaeth broffesiynol ers ei hadeg fel Athrawes Ymgynghorol yng Ngwent yn 1992. Sicrhaodd GV bawb fod ei hangerdd dros hyrwyddo rhagoriaeth mewn AG yn aros. Eglurodd fod yr ymateb i'w phrosiect diweddaraf a'r llyfrau ddeilliodd o hwnnw, *Belonging and Believing*, yn rhyfeddol, ac yn creu mwy o gyfleoedd i gefnogi ysgolion. Bu gweithio gyda'r 8 teulu arbennig yma, pob un â bydolwg gwahanol, y rhan fwyaf yn byw yng Nghymru, yn uchafbwynt i'w gyfa. Mae hi'n teimlo'n freintiedig ac yn ddiolchgar i'r teuluoedd a'r cymunedau am gael y cyfle a'r profiad hwn, ac yn bwysicaf, i gael rhannu golwg ar eu bywyd teuluol, gydag eraill. Bydd hi'n parhau i gefnogi cydweithwyr ac athrawon gyda'r cwricwlwm newydd a'r symudiad o AG i CGM. Mae GV yn croesawu unigolion i gysylltu â hi os ydynt yn dymuno ei chefnogaeth.

Roedd RS am ddiolch o galon iddi yn bersonol ac ar ran CCYSAGauC, am ei blynyddoedd o ymrwymiad diflino i AG, i CCYSAGauC ac i'r CYSAGau yng Nghymru. Mae pawb wedi gwerthfawrogi ac wedi elwa llawer ar ei harbenigedd. Rydym yn dymuno'n dda iddi yn ei gwaith yn y dyfodol.

NB: Bûm yn gweithio gyda GV am flynyddoedd yn CYSAG Casnewydd a ChYSAG Sir Fynwy. Roeddwn bob amser yn cael fy synnu â'r hyn roedd hi'n gallu ei wneud. Mae ei gwaith gyda'r cymunedau yn esiampl i ni i gyd. Rwy'n dymuno'r gorau iddi ac yn diolch iddi am ei gwaith i'r CYSAGau a'r cymunedau.

PW: Bu GV yn gymorth anhygoel fel cydweithiwr a ffrind. Yn gyffrous dros ei phrosiect newydd a'i hadnoddau. Mae ei dealltwriaeth o'r cwricwlwm newydd yn ardderchog, a'r mathau hyn o adnoddau yw'r union beth sydd ei angen arnom. Diolch am bopeth.

CA: Gill yw'r rheswm rwyf i yma heddiw. Mae ei chraffter a'i dealltwriaeth o'r angen i ddod â phobl o bob ffydd ynghyd yn cael ei werthfawrogi'n fawr. Rwy'n gweithio gyda hi ar ei phrosiect newydd ac mae fy wyres yn un o'r teuluoedd sydd yn cymryd rhan. Dangosodd Gill gymaint o fanylder yn sicrhau fod pob llyfr yn adlewyrchu eu bywyd teuluol. Gallwn ymddiried yn ei hadnoddau.

RS: Mae hyn yn dangos gymaint mae Gill yn cael ei gwerthfawrogi fel cydweithiwr a chyfaill. Mae hi'n cadw i fyny â datblygiadau AG ac wedi dangos ei bod hi'n arloesi mewn AG. Mae hi mor aml ar y blaen. Gobeithio y gallwn gyfarfod i fynegi'n diolchgarwch wyneb yn wyneb.

Cadarnhaodd AP y bydd hi'n anfon e-bost i ddiolch i GV ac i'w llongyfarch ar ei gwaith newydd.

Dau ddarn arall o ohebiaeth

1) Adroddiadau blynyddol

Diolch i'r CYSAGau hynny sydd wedi anfon eu hadroddiadau blynyddol.

Cofiwch mai'r dyddiad cau i dderbyn Adroddiadau Blynyddol yw 30 Rhagfyr 2021. Anfonwch gopi i CCYSAGauC, Llywodraeth Cymru ac i unrhyw sefydliadau lleol sy'n derbyn yr adroddiad fel arfer.

Gweithredu: AP i anfon y cyswllt yn Llywodraeth Cymru i dderbyn yr Adroddiad Blynyddol.

2) Cymwysterau Cymru

Cais a anfonwyd gan Ian Mitchell i LJ am gysylltiadau posibl i gefnogi grŵp cydlyniaeth. Maent yn gobeithio cynyddu'r gynrychiolaeth ar grŵp rhwydwaith Maes Dysgu a Phrofiad ehangach.

12. Unrhyw fater arall (i'w gytuno arno o flaen llaw gyda'r Cadeirydd)

Dim

13. Dyddiad y cyfarfod nesaf: Mawrth 2021 I'w gadarnhau

Dywedodd RS y bydd y cyfarfod nesaf ar-lein ac y bydd yn cael ei letya gan Gyngor Castell-nedd Port Talbot ym mis Mawrth 2022. Y dyddiad i'w anfon cyn gynted â phosibl.

Daeth y cyfarfod i ben am 1.30pm